



Kamis, 12 Mei 2022
Ogen: Esekiel 36:33-38



"Salih Bagi Peken Eden"



Megati kal sibegiken, kalak si nggo nggeluh mbaru, si nggo salih geluhna bagi sura-sura Dibata melala kal tantangan ras hambatenna. Lalap ia icobai alu hal-hal sierkaiten ras dosa. Emaka kalak si nggo ngerembakken dirina man Dibata tugasna lenga bo dung i bas ndahiken dahin si mehuli, justru tantangenna semakin besar. Sue arah bahan renungenta sendah, kerina si melket, kerina si sontar si la bagi ukur, salih nge pagi bali bagi peken anggur. Kerina jadi mbaru, kerina pasti isikapken, kerina iperdiatekenNa.

Melala manusia, lalap ndabuh amin gia ia nggo nggeluh mbaru tapi la ngasup ngalaken dosa si lit ilebe-lebena, talu ia iban tantangan geluhna, seh maka sontar ka mulihi perban dosa ndai. Dibata Erdolat guna mbersihken dosata janah nikapken kerina si jadi sekerajangenta i doni enda. Enda me padan Dibata siijanjikenNa man kerina manusia si nggit nggeluh mbaru nadingken dosa. Emaka tema-nta sendah ikatakenNa *"salih bagi peken Eden"*.

Dosa si lit ibas kegeluhen manusia erbanca kegeluhen manusia e lanai ernanam, sontar, ras macik, sierbanca manusia lanai ngejapken penampat Dibata. Kiniteken manusia si nggo nandai Dibata pe nggo talu perban nggo ikuasai dosa e. Labo lit manusia si nggit geluhna ceda ras sontar. Emaka, nggeluh manusia e harus ngasup keke ibas dosa e nari. Gegehna eme kuasa arah Dibata nari. Nggit kita ipelimbarui, nggit kita nginget Dibata ras si lawan kuasa doni enda alu kuasa Dibata. Jeralah maka payo kerina. Sebab ulihna, nggo isikapken Dibata bagi sura-suraNa si erbanca kita terkelin. Masih ada kesempatan, sebab kalak si pentar makeken kesempatan e guna mpesikap kegeluhenna jadi mbaru. I bas si e, ersikap ka kita nimai ulih si nggo isikapken Dibata man banta gelah sialoken baginta guna ndatken bagin si terulin man kegeluhenta bagi singeNa ateNa.